

TEZAUUR LITURGIC
12 DECEMBRIE

ACATISTUL
SF. IERARH
SPIRIDON,
EPISCOPUL
TRIMITUNDEI
II



TBILISI, 2000



დაუჯდომელი წმიდისა და კეთილმსახურისა მეფისა თამარისი

კონდაკი 1

დიდებულებაჲ შენი ვინ მიუთხრნეს, ჟ, საკვრველ-
მაღალო კელმწიფეო, რამეთუ უფროდს გონებისა
ჩუენისა აღმაღლდა ქებაჲ სათნოებათა შენთაჲ,
არამედ ურიცხვთა განსაცდელთა მიერ შეიწრებულნი
მოკვლტით წმიდისა ხატისა შენისა მომართ და
აღგძრავთ შენ ღმრთისა მიმართ მწედ და
შუამდგომელად, რადთა მოგუმადლოს ჩუენ ძლევად
ყოველთა საცთურთა ზედა და ღირს გვყოს შესხმად
და გალობად შენდა: *გიხაროდენ, წმიდაო,
კეთილმსახურო მეფეო თამარ!*

იკოსი 1

ეჰა, ვითარი დიდებულებაჲ შეგძინა შენ სიმკნემან,
სანატრელო, რამეთუ შემდგომად სიკუდილისა შენისა
მაუწყებელ-არს მოღუაწებათა, აწ დიდებული ვარძია
და ჳმა მაღლად ჰქადაგებს მეტეხი და ბეთანია
ლოცვათათჳს შენთა მკურვალეთა, ხოლო ჩუენ უწყით
რად ოხათა შენთა და მოწყალებათა სიმრავლჳ,
ყოვლითურთ თავსა ჩუენსა შეგვედრებთ საღმრთოსა
საფარველსა შენსა და სიქუელისა შენისა

გულსმოდგინედ მომთხრობელნი აღმოვსთქუამთ
ქებულებათა შენტა:

გიხაროდენ, იესეს ნერგო, მორჩო დავითისაო;

გიხაროდენ, ხატო დედათა კდემამოსილებისაო;

გიხაროდენ, აღმოყუავილებულო რტოო სიწმიდისაო;

გიხაროდენ, დიდებაო ქუეყანისაო და

სარწმუნოებისაო;

გიხაროდენ, გამოუკვლეველო უფსკრულო

სიყუარულისაო;

გიხაროდენ, საღმრთოო საყვირო

მართლმადიდებლობისაო;

გიხაროდენ, უმურველო წყაროო მოწყალებისაო და

დაუმრეტელო ზღუაო კაცთმოყუარებისაო;

გიხაროდენ, კეთილშუენიერად აღმობრწყინვებულო

ჭეშმარიტო მსახურო მაცხოვრისაო;

გიხაროდენ, წინამძლოლო და ჯუარისმტვირთველო

ერისა შენისაო და შემწეო მესიისაო;

გიხაროდენ, ზღუდეო და სიმტკიცეო ქრისტეს

ეკლესიისაო;

გიხაროდენ, ძალაო და დიდებაო მეფეთა სკიპტრისაო;

გიხაროდენ, საცნაურო მზეო, მნათობო ივერიისაო;

გიხაროდენ, წმიდაო, კეთილმსახურო მეფეო თამარ!

კონდაკი 2

სამარადისოდ დაჰნერგე რაღ გულსა შენსა შიში და სიყუარული ღმრთისად, შეიმოსე მოწყალებად, სიმშველდ და კრძალულებად, და ჰბაძევდ ქცევასა ღირსთა მათ მენელსაცხებლეთა დედათასა და დათა ლაზარესთასა, აწცა მათ თანა ევედრე ღმერთსა, სათნო იჩინოს აღორძინებად და განმრავლებად და აღვსებად ჩუენდა ურთიერთასისა სიყუარულითა და სიბრძნითა საღმრთოდთა, რადთა კნინისა ამის ცხორებისა ჩუენისა გზად კეთილად განვლოთ და მარადის ვაქებდეთ მაცხოვარსა ჩუენსა ქრისტესა: *აღილოჲთა.*

იკოსი 2

სიწმიდღჳ შენი საღმრთოდ და გონებისა სიწრფოებად იხილა რაღ დაფარულთა მეცნიერმან, გცხო შენ საცხებელი სიხარულისად და თვით-მპყრობელად ივერიისა და ყოვლისა აღმოსავლეთისა დაგადგინა, ხოლო შენ ძლევანი ყოვლად-დიდებულნი საჭურველითა ცხოველსმყოფელისა ჯუარისადთა წარმართენ და სამწყსოდ იგი, რომელი გერწმუნა, კეთილ-მორწმუნებასა ზედა დაამყარე, ეგრეთვე აწერი ჩუენი სიმწნით განაძლიერე და გზად იგი ჩუენი სამეუფოდ კეთილად წარგვიმართე, რადთა სიბრძნითა

ვიდოდეთ გზასა ჭეშმარიტებისასა და
დაუცხრომელად გაქებდეთ:

გიხაროდენ, ძირთაგან ღმრთისმსახურთა
აღმომორჩებულო და დავით წინადასწარმეტყუელისა
შვლად ჩინებულო;

გიხაროდენ, სიწმიდითა აღზრდილო და
უზაკუველითა სარწმუნოებითა შეზღუდვილო;

გიხაროდენ, სიყრმით შენითგან სამეუფოთა ზეთითა
ცხებულო;

გიხაროდენ, მოწყალებითა განწმედილო და გულის
სიტყვთა განათლებულო;

გიხაროდენ, ცხორებითა სათნოთა და სიბრძნითა
საღმრთოთა განსრულებულო;

გიხაროდენ, სიკეთითა და კაცთმოყუარებითა
განბრწყინვებულო;

გიხაროდენ, სიტურფითა და შუენიერებითა
აღმატებულო;

გიხაროდენ, სამშობლოთა ქუეყანისა სიყურულითა
აღგზებულო;

გიხაროდენ, ღმრთისმშობლის წილხვედრი ერისა
მწყსად და მფლობელად მოვლინებულო;

გიხაროდენ, დიდთა მათ ღუაწლთა შენთა
სიმტკიცითა შემკულო;

გიხაროდენ, მამულისა ვენახისა კურთხეულისა
მუშაკო დაუცხრომელო და უფლისა მიერ სუე-

ამაღლებულო;

გიხაროდენ, თარგამოსიანთა მეფედ და წინამძღურად
წოდებულო;

გიხაროდენ, წმიდაო, კეთილმსახურო მეფეო თამარ!

კონდაკი 3

ანგელოზებრ შუენიერ იყავ ხატითა და სავსწ
სიბრძნითა, ჟ, მეფეო, ქრისტესა შედგომილო, და
გონებად შენი განსწმიდე წვრთითა საღმრთოთა
წერილთაჲთა და ლოცვითა მკურვალითა, ხოლო
ჯორცი განკაფე შენ მარხვითა, მღვძარებითა და
ხმელთა ზედა წოლითა, და განბრწყინდი სათნოებათა
ელვარებითა, ამისთჳსცა აღგძრავთ მეოხებად
ღმრთისა მიმართ, მოიხილოს ჩუენ ზედა, რომელთა
არა გუაქუს სიტყვსგებად წინაშე მისა, და აღგვაგოს
მღვძარებითა საღმრთოჲთა, რაჲთა ვეველტოდეთ
რისხვასა ღმრთივადმრულსა და ვაქებდეთ იესუს,
ყოვლად ძლიერსა ღმერთსა: *აღილოჲთა.*

იკოსი 3

მღვძარე მწყემსად გამოუჩნდი ერსა შენსა, მეფეთა
შორის ღუაწლისა მძლეო თამარ, და მსწრაფლ
შეჰკრიბნე ყოველნი კაცნი სამღდელონი და შჯულისა
მეცნიერნი გამოძიებად კეთილისა და განგდებად
დრკუჲსა, და კრებად იგი, ვითარცა დედაკაცმან,

დაუტევე კრძალვთა, ხოლო ესმნეს რაჲ სიტყუანი
შენნი ყოვლად სანატრელსა კრებულსა მამათასა,
ღმრთისმოყუარებითა სულისა შენისაჲთა განიხარეს,
და ვითარცა თანა-შემწესა კრებისასა, ქებაჲ საცნაური
შეგასხეს:

გიხაროდენ, ქართველთა მზეო მრავალ-მნათობო,
ცისკრითა კეთილმსახურებისათა ყოველთა
განმაცისკრებელო;

გიხაროდენ, მართლმადიდებელთა ეკლესიისა
ლამპარო, უგულისცმოებისა ბნელისა განმდევნელო;

გიხაროდენ, სოფლისა ღელვათაგან შერყეულთა
გულთა ღმრთისმოსავობასა ზედა განმსწავლელო;

გიხაროდენ, ცრუ სარწმუნოებისა მკნედ
განმბასრველო;

გიხაროდენ, ტყვეობისაგან და მძლავრთა მონებისაგან
მრავალთა სულთა გამომკსნელო;

გიხაროდენ, მუშაკთა ნაყოფიერმყოფელო და
გლახაკთა გამომზრდელო;

გიხაროდენ, გარეგან ცხოვართაჲთა მოსილთა და
შინაგან მგელ-ღმრთისმსახურთა დამამკობელო და
განმთხეველო;

გიხაროდენ, სიმართლისა მოძულეთა და ბოროტისა
კეთილად დამდებთა მარცხვენელო;

გიხაროდენ, შეცდომილთა გზასა ზედა
ჭეშმარიტებისასა მომაქცეველო;

გიხაროდენ, განძნებულთა მკეცთა გულებისა
მომალბობელო;
გიხაროდენ, მძლავრთა კაცთ-მოდულებთა მთავართა
და მსაჯულთა მამხილებელო და მათ მიერ
უსამართლოდ დევნულთა მწყალობელო;
გიხაროდენ, განკრძალულთა მღდელთა და
მონაზონთა მსწრაფლ შემწეო და ჯელისაღმპყრობელო;
გიხაროდენ, წმიდაო, კეთილმსახურო მეფეო თამარ!

კონდაკი 4

ხვდოდი რად მცნებათა ღმრთისათა და სამართალთა
მისთა, მოგანიჭა შენ გული გონიერი და ბრძენი,
გულისკმის-ყოფად კეთილისა და ბოროტისა, და
შენცა სირცხვილითა აღავსენ ორგულნი ერისანი და
ყოვლითა უპატიოებითა, ეგრეთცა კადნიერებაჲ მათი
შეჰმუსრე, რომელნი უღმრთოებით აღჭურვილ არიან
მართლმორწმუნეთა ზედა, და გვკენ ყოვლისაგან
ვნებისა ბოროტთა კაცთაჲთა, რაჲთა ყოველთა
მართლმორწმუნეთა კეთილად განგუემარჯვოს და
ლოცვაჲ ჩუენი შეწირულ იქმნას წინაშე ღმრთისა:
აღილოუია.

იკოსი 4

ეჰა, ვითარ ჭემმარიტ საღმრთოდ და საკვრველ არიან
საქმენი შენნი, მკნეო დედოფალო, რამეთუ

ღმრთისმსახურებასა და კრძალულებასა შინა
საწუთოდ სამეფოდ არა დაუტევე განუგებელად,
არამედ უზესთაეს ყოველთა მეფეთა და ბრძენთა
კეთილად განაგე და განაჩინე, და წარემატე
დიდებითა და განმარჯუებითა, ხოლო ერი შენი,
მადლიერი ღმრთისა მიმართ ყოვლად მოწყალისა,
დიდებასა შენსა მიუთხრობდა ყოველთა და ესრეთ
გნატრიდა განათლებულსა და ყოვლად ქებულსა:

გიხაროდენ, ყუავილო შუენიერო, დავითისა
ბრწყინვალისა მტილისაო;

გიხაროდენ, დაუშრეტელო წყარო ღმრთეებრივისა
სიბრძნისაო;

გიხაროდენ, ზეციერთა მადლითა
განბრწყინვებულო, თაყუანისმცემელო მესიისაო;
გიხაროდენ, მოუწყვლელად დამცველო მართლისა
სარწმუნოებისაო;

გიხაროდენ, შეურყეველო გოდოლო ჭემმარიტისა
მსჯავრისაო;

გიხაროდენ, ტკბილად მზიდველო საღმრთოდსა
ულლისაო;

გიხაროდენ, საღმრთოო მუშაკო ქრისტეს ვენახისაო;

გიხაროდენ, ფარო, დამცველო კეთილმსახურებისაო;

გიხაროდენ, მახზლო, განმკვეთელო
ბოროტმსახურებისაო;

გიხაროდენ, ტკბილო და სახიერო ნუგეშო

ქართველთა ერისაო;
გიხაროდენ, დიდებაო და ძლიერებაო მამულისა
ჩუენისაო;
გიხაროდენ, მიურულეებელო მცველო და
განმამლიერებელო ივერიისაო;
გიხაროდენ, წმიდაო, კეთილმსახურო მეფეო თამარ!

კონდაკი 5

სიყუარული და სიქველჳ, ვითარცა პორფირი
შეგემოსნეს შენ, ღმრთისმოყუარეო ცხებულო
უფლისაო, და განჯსენ რად საუნჯენი მამა-პაპათა
შენთან, ჳელ-ჳყავ წყალობად და შეწყნარებად, რომელ
არა სადა ვის ეხილა, ხოლო განიცადა-რად ერმან
შენმან დედობრივი გულმოწყალებად შენი,
სიცოცხლეშივე განგადიდა და არცალა დასცხრებოდა
გალობად ღმრთისა: *აღიღოუია.*

იკოსი 5

მოხედნა რად იესუმ წყალობითა დედისა თჳსისა წილ-
ხვდომილსა ერსა ჩუენსა, გარდამოგივლინა ძალი,
სიმჳნჳ და მძლეველობად ყოველთა მაჭირვებელთა
ზედა, ვითარცა ღმრთისმოყუარესა პაპასა შენსა
დავით აღმაშენებელსა, და შენცა ერთგულებისათჳს
მამულისა და მშჳდობით დაცვისათჳს ერთა თჳსთა
მისებრვე განაქარვნე სივერაგჳ ორგულთადა და

მტერთაჲ, აწცა ნუ დასცხრები ერისა შენისათჳს წინაშე ქრისტჳს მჴსნელისა, ვიდრე აღსრულებადმდე საუკუნისა დაიცვას ივერიაჲ და ერი ივერიისაჲ, რაჲთა სიყუარულითა და მშჴდობითა ვცხონდებოდეთ და ვჴგალობდეთ სარწმუნოებითა:

გიხაროდენ, სულისა აზნაურებისა დამმარხველო;

გიხაროდენ, მაცთურისა აღისა და საფრხეთა მისთა ცრემლითა დამშრეტელო;

გიხაროდენ, მრავალსახეთა ჳირთა და მწუხარებათა ახოვნად დამთმენელო;

გიხაროდენ, ღმრთივგანბრძნობილთა გონებათა დამატკობელო;

გიხაროდენ, ერისა შენისა ღირსებისა დამცველო;

გიხაროდენ, განსაცდელთა და ღელვათა დამაყუდებელო;

გიხაროდენ, ჳემმარიტებითა სიცრუვისა დამარღვეველო და რისხვისა საღმრთოჲსა დამაყენებელო;

გიხაროდენ, მძლავრთა ამჴარტავნებისა და ეშმაკისა საცთურისა დამთრგუნველო;

გიხაროდენ, ივერიელთა მტერობისთჳს ყოველთა შემადრწუნებელო და დამამდაბლებელო;

გიხაროდენ, მრავალშეთხზულთა მათ მანქანებათა მტერისაჲთა დამჴსნელო;

გიხაროდენ, ურჯულოთათჳს შიშის ზარისა

დამცემლო;

გიხაროდენ, ისმაიტელთა ქედმაღლობისა

დამამცრობელო;

გიხაროდენ, წმიდაო, კეთილმსახურო მეფეო თამარ!

კონდაკი 6

ვერ შეგიტყუა შენ საშუებელმან ამის საწუთოდსამან, და ვერცა გზრგზნმან და სკიპტრამან დიდებულმან, ვითარ იგი მეფენი მრავალნი, არამედ ზენაღსა დიდებისა მოსურნემან, ქუენადცა ესე დიდებად უხუებით მიიღე აღთქუმისაებრ უფლისა, ნუ დასცხრები ვედრებად მისსა მიმართ, ულხინოს ნათესავსა ჩუენსა და კუალად მოგუანიჭოს მწყემსი სარწმუნოდ და მკნწ, რადთა ჰსწავლიდეს და წარუმართებდეს სჯულდებულსა ერსა, შკლად ღმრთისა გამორჩეულსა, და მარადის მსხუერპლსა ქებისასა შესწირვიდეს ღმერთსა: *აღილოთია.*

იკოსი 6

იურვოდეს რად შობისათჳს მემკვდრისა, არა მიგიშუეს ნებად შენდა, ყოვლად უწადინელი ქორწინებისად, და გამორჩიეს რად მკნწ დავით, მეფეთა გვარისად, ვითარ იყო ხუედრი და რიგი შარავანდედობისა შენისად, ღმრთივბრწყინვალესა თავსა შენსა დაგადგეს გზრგზნი პატიოსანი მეუღლეობისად, ხოლო ერი შენი

სიხარულითა განსცხრებოდა, და ვითარცა ყოვლად
ბრწყინვალესა მნათობსა სოფლისასა, ერთ-ჯმობით
გიგალობდა:

გიხაროდენ, მწყემსო კეთილო საღმრთოთა
სამწყსოთაო;

გიხაროდენ, მსგავსად სოლომონისა სიბრძნითა
სავსეო და მსაჯულო მართლ-განგებითაო;

გიხაროდენ, ზეცით მონიჭებულო სიმტკიცეო
მართლმადიდებელთაო;

გიხაროდენ, რჩეულო ჭურო სათნოებათაო;

გიხაროდენ, სავანეო კეთილთა საქმეთაო;

გიხაროდენ, შემწირველო ეკლესიათაო;

გიხაროდენ, კეთილისმყოფელო სამღდელოთაო;

გიხაროდენ, აღმაშენებელო ქსენონთაო და მკურნალო
სნეულთაო;

გიხაროდენ, მოწყალეო გლახაკთაო და განმკითხველო
ქურივთა და ობოლთაო;

გიხაროდენ, მართლმსაჯულო უღონოთაო და შემწეო
უძლურთა ქუე-მდებარეთაო;

გიხაროდენ, ჭირთა შინა ურცხვენელო ჯელის-
აღმპყრობელო და მეოხო მომწოდებელთა შენთაო;

გიხაროდენ, გზრგზნო და დიდებაო ღმრთისმსახურთა
მეფეთაო;

გიხაროდენ, წმიდაო, კეთილმსახურო მეფეო თამარ!

კონდაკი 7

ოდეს ძილსა შინა ჩუენებითა იხილე სამოთხისა შუებად, და ტახტი ბრწყინვალე, შემკული თუალთაგან მრავალსასყიდლისადათა, მიისწრაფდი დაბრძანებად მას ზედა, არამედ არა მიგიშუა კაცმან ვინმე, ნათელ-მოსილმან და ესრეთ მკმობარემან: „მკვეალისა შენისა არს, დედოფალო, რამეთუ სამოსელნი ათორმეტისა მდდლისანი ჳელითა თჳსითა შესთულა“, მაშინ ესრეთ აღასრულე შენცა, და მოიხუენ რაჲ ზეცისა იგი უხრწნელნი სამოსელნი, კრებულსა თანა წმიდათასა მარადის უღალადებდ ღმერთსა: *აღილოჲთა.*

იკოსი 7

ყოველსა ქუეყანსა განეფინა დიდებული და საკვრველი სახელი შენი, მეფედ ცხებულო დედოფალო, რამეთუ დედობრივისა მის ბუნებისა უძლურებითა მამაკაცებრ ილუაწე, და შენდამი რწმუნებულნი ერნი და სამეფონი გარემოცულთა განსაცდელთაგან უშიშად დაიცევ, ხოლო საზღუარნი საქართველოდსანი, სპერითგან დარუბანდამდის უფროდს განავრცენ, და ტაძარნი და მონასტერნი, არა მხოლო მამულსა შენსა, არამედ ყოველთა წმიდათა ადგილთა სადიდებელად ღმრთისა აღაშენე და წყალობითა დიდითა აღავსნე, აწცა ნუ განგვაშორებ

შეწევნასა შენსა და ერი ჩუენი, ქრისტჳს მოსახელჳ,
ძალითა მისითა დაიფარე, რადთა უვნებელად
დაცულნი ვიქადდეთ და ვკმობდეთ:

გიხაროდენ, კეთილმსახურებისა ნათლითა ბნელთა
შინა დაშთომილთა სულთა განმანათლებელო;
გიხაროდენ, მრავალთა წყლულებათა განმკურვნელო;
გიხაროდენ, ამბოხისა და ბრძოლისაგან
განმარინებელო;
გიხაროდენ, ცრუმორწმუნეობისა საცთურისა
განმაქარვებელო;
გიხაროდენ, ნელ-ტფილისა სარწმუნოებისა
განმაცხოველებელო;
გიხაროდენ, მადლითა საღმრთოდთა უმეცართა
განმაბრძნობელო;
გიხაროდენ, ქედფიცხელთა და გონებაურჩთა
განმსწავლელო;
გიხაროდენ, განწირულთა სიკუდილისაგან
გამომკსნელო;
გიხაროდენ, უსჯულოებისა სიმყრალისა
განმწმედელო;
გიხაროდენ, მტერთა ძვრის-ზრახვისა განმდევნელო;
გიხაროდენ, ჳელთა შენთა ნალუაწითა ხუცესთა და
უპოვართა გამომზრდელო;
გიხაროდენ, დიდებულისა მის ჳელთუქმნელისა ანჩის

ხატისა შემამკობელო და განმაშუენებელო;
გიხაროდენ, წმიდაო, კეთილმსახურო მეფეო თამარ!

კონდაკი 8

მეფობაჲ შენი ღმრთივკურთხეული განადიდე
საღმრთოდთა მოქალაქობითა და შეამკვე კეთილითა
საქმითა, ხოლო ცხორებაჲ შენი განაშუენენ
მოთმინებითა და სიმდაბლითა, ამისთჳსცა დაადგა
ღმერთმან თავსა შენსა გზრგზნი დიდებისაჲ და
განამტკიცა კეთილდღეობაჲ ერისა შე-ნისაჲ, ეგრეთვე
აწ მოგვფინე მაღლი ლოცვისა შენისაჲ და მოგუანიჭე
შენებრი მჭურვალეებაჲ სარწმუნოებისაჲ, სიყუარული
მოყუასისაჲ და საღმრთოდ მოშურნეობაჲ მამულისაჲ,
რადთა დღითი დღე ვილუწიდეთ სადიდებელად
ღმრთისა და ვაქებდეთ ძალსა მისსა: *აღიღოჲთა.*

იკოსი 8

დაცემულეებაჲ უპოვარებისაჲ და შიმშილითა
მოყმობაჲ მსწრაფლ ეწია ალექსი კეისარსა, დაივიწყა
რად შიში ღმრთისაჲ და შენ მიერ ნაბოძები დიდძალი
საფასჳ წარსტაცნა მონაზონთა შავისა მთისასა,
რამეთუ ბუნებითი იგი მართალი გულისწყრომაჲ
აღგემრა წყალობისმოყუარესა, და კუალად
წარუგზავნე რად უმეტესი განძი მოწესეთა, წარულე
ტრაპიზუნტი და ლაზია ანგარსა კეისარსა, და

სამართლად მიანიჭე ალექსი კომნენოსსა, ვინაჲცა
მადლი შესწირა ღმერთსა, რომელმანცა მოსცა მას
ეგევითარი შემწჳ და მფარველი, და გნატრიდა
ღუაწლსა შინა სახელოვანსა და სანატრელსა:

გიხაროდენ, აბრაჰამის უცხოთმოყუარებისა
მიმბაძველო;

გიხაროდენ, ცოდვის მოყუარეთა კაცთათჳს
თავშეკავების სიტკბოებისა მასწავლელი;

გიხაროდენ, სივერაგისა მომძულეებელი და
ფიცხელთა გულთა მომალობელი;

გიხაროდენ, კაცთა მამულად სამსახურებელად და
წესიერებად მომყვანებელი;

გიხაროდენ, მართლმორწმუნეთა საჭურველო და
აღბორგებულთა ღმრთისმოდულეთა მძლეველი;

გიხაროდენ, ურცხვთა მედგრობისა დამკსნელი და
მკდომთა და განლაღებულთა დამცემელი;

გიხაროდენ, ბორგნეულთა შემაბრკოლებელი და
გრძნეულთა უგულისჯმოებისა დამშრეტელი;

გიხაროდენ, პატიოსნებისა და მამაცობისა
დამნერგველი;

გიხაროდენ, უსჯულოებისა მომქმედთა ერის
მთავართა და წინამძღოლთა შემრისხველი;

გიხაროდენ, სიწმიდისა შემბილწველთა და
ქრისტეანობისა განმრყვნელთა ზარდამცემო;

გიხაროდენ, „ტრაპიზუნტის იმპერიის“ დაფუძნებითა

სამზღუართა ქუეყანისა შენისადთა დამცველო;
გიხაროდენ, სამეფოდსა შენისა ზედა დასხმისაგან
მტერთადასა დამფარველო;
გიხაროდენ, წმიდაო, კეთილმსახურო მეფეო თამარ!

კონდაკი 9

ვითარცა შესწირნა ყელსაბამი ოქროდსა გელათს,
ხახულისა ღმრთისმშობელსა, ოდეს ღმრთისა მიერ
მიენიჭა დიდგორს „ძლევაჲ საკვრველი“ დავით
აღმაშენებელსა, ეგრეთვე შენ, ზეგარდამო ძლევისა
მომღებელმან შამქორს, წარგზავნე მუნცა დროშაჲ
ხალიფასი და სამკაული ოქროდსა, ჳელითა შალვა
ახალციხელისა, და ღმრთისმშობლისა მიმართ
იამბიკოდსა მიმძღუნელმან, სამ-წმიდაარსობისა
გალობაჲ შესწირე ღმერთსა: *აღილოჲთა.*

იკოსი 9

არად შერაცხენ ქადებანი უსჯულოდსა მის რუქარდინ
სულტნისაჲ და არცა-ღა შეშინდი მძლავრთა
სიქადულსა, არამედ ლოცვითა მჭურვალითა
შეჳვედრე სოსლან დავით და სჳაჲ მისი ვარძიისა
ღმრთისმშობელსა, და წარიხადენ რაჲ სამოსელი
ფერჯთანნი, ცრემლთა ნაკად-დენითა წარუმელ
ლაშქარსა ბასიანსა, ხოლო ვიდრემდის მიიწივნეთ,
აღხვედ გორაკსა უმაღლესსა და აკურთხევედი

დროშასა სვიანსა და ლაშქარსა უებროსა, ეგრეთვე აწ
აღგძრავთ მეოხებად ღმრთისა მიმართ, რადთა არა
მოაკლდეს ქუეყანასა ჩუენსა მთავრობად ნათესავთა
შენთა, კურთხეულთა და მირონცხებულთა, და ესრეთ
გიგალობთ განათლებულსა და ყოვლად ქებულსა:

გიხაროდენ, უტკბილესითა ბაგითა
ცხოველსმყოფელისა წყლისა აღმომადინებელო;
გიხაროდენ, შეცთომილთა და დაცემულთა
მეყსეულად აღმადგინებელო;
გიხაროდენ, ბომონთა დამცემელო და კერპთა
ძირითურთ აღმომფხურელო;
გიხაროდენ, ყოველგვარ ბოროტთა ზნე-ჩუეულებათა
და ბიწიერებათა აღმხოცველო;
გიხაროდენ, ქრისტჳსმოყუარისა მჯედრობისა
აღმამალლებელო;
გიხაროდენ, ერთგულთა შემყუარებელო და
ორგულთა დამამდაბლებელო;
გიხაროდენ, კლდეთა ზედა მაღალთა და ადგილთა
მათ წმიდათა ეკლესიათა და მონასტერთა აღმგებელო;
გიხაროდენ, მტერთაგან შეუვალთა და
უბრძოლველთა გოდოლთა და ციხე-ქალაქთა
აღმმართველო;
გიხაროდენ, გულითა დაზრქელებულთა
სიყუარულად აღმძრველო;
გიხაროდენ, სანთელო, გონიერთა განმანათლებელო

და უგუნურთა დამწველო;
გიხაროდენ, ცრემლთა შენტა ნაკადულითა
ურიცხუთა მტერთა დამნთქმელო;
გიხაროდენ, დაუცადებელითა ლოცვითა ბრძოლათა
უბრძოლველად დამარღვეველო;
გიხაროდენ, წმიდაო, კეთილმსახურო მეფეო თამარ!

კონდაკი 10

ჟ, ძლიერებაჲ კაცთმოყუარისა ღმრთისაჲ, რომელმან
წყალობითა მოხედნა მკურგალესა ლოცვასა შენსა და
უღმრთონი ბარბაროსნი და ურწმუნონი აგარიანნი
დაამდაბლა ქუეშე ფერჯთა ქრისტეანეთასა, ხოლო
სამეფოჲ შენი შეუხებელად დაიცვა მტერთა წყობათა
და ზედა მოსლჳსაგან და ცრემლით დაღტობილი
მადლობასა შესწირვიდი ღმერთსა, მას ევედრე
მოგვეცეს სიბრძნე და სიმტკიცე დათრგუნვად
მანქანებათა მტერისაჲთა, რაჲთა არა ჰსთქუან
მოძულეთა ჩუენთა, სადა არს ღმერთი იგი მათი,
რომლისა მიმართ აქუთ სასოებაჲ, და ვაქებდეთ
განმადლიერებელსა შენსა: *აღიღოუთა.*

იკოსი 10

მარჯუენს მალლისაჲ შემწე გექმნებოდა, მკნეო
ველმწიფეო, და განცხადებულად ყოფდა ძლევათა
საკვრველთა შენზედ აღძრულთა მტერთა ზედა,

რამეთუ თვთ იგი უსჯულოდ მსახური სულტნისად
ძრწოლით ღალადებდა, თუ ვითარ-ყო
მთავარანგელოზმან ძლევად მათ ზედა, მაშინ შიში და
ზარი სიწმიდეთა შენთად მიეფინა მეფეთა და
მრავალთა ერთა, ვითარცა მძლავრებად
წინააღმდეგომელისა ჯელმწიფისად, რომელთა თანა
ჩუენცა ღმობიერად შეუვრდებით პატიოსანსა ხატსა
მიქაელ მთავარანგელოზისასა და მოგიძღუნით შენ
სამადლობელსა ქებისასა:

გიხაროდენ, ქურიგობისა შენისა ანა
წინასწარმეტყუელისამებრ კრძალულებითა
დამცველო;

გიხაროდენ, მამულისა ტრფიალებისა მასწავლელო;
გიხაროდენ, მამა-პაპათა საქმეთა კეთილად
წარმმართველო;

გიხაროდენ, მხოლოო მართლმადიდებელთა სპათა
ახოვან-მყოფელო და მწყალობელო;

გიხაროდენ, სასოებითა მტკიცითა წინააღმდეგომთა
სიბოროტისა წარწყმედელო;

გიხაროდენ, ქრისტეს მოძულეთა აგარიანთა თავ-ზარ-
დამცემო და მძლეველო;

გიხაროდენ, დავითის ძლევისა ბრწყინვალეო
აღმადგინებელო;

გიხაროდენ, გორგასლიანურ-დავითიანურისა
დროშისა უფროდს აღმამაღლებელო;

გიხაროდენ, მოყუასთა შემაერთებელო და მტერთა დამლახურელო;

გიხაროდენ, ძმათ-უყუარულთა და ანგარ-მომხვეჭელთა მამხილებელო და ძლიერად დამთრგუნველო;

გიხაროდენ, კეთილკრძალოთა დედაკაცთა მაკურთხეველო და ბილწთა და უგუნურთა მარცხვენელო;

გიხაროდენ, ყოველთა ერთა და ტომთა, შენდამი რწმუნებულთა აღმაორძინებელო;

გიხაროდენ, წმიდაო, კეთილმსახურო მეფეო თამარ!

კონდაკი 11

ესმათ რად ქართველთა სენტაგან განლეულობად შენი, მარადლე ლოცულობდენ წადიერებითა, გარნა ფუჭიქმნა ყოველივე გამომეძიებელობად მკურნალთა ხელოვანებისად, რამეთუ განჩინებად წინააღუდგომელ იყო, ხოლო მწოდებელი კართა ზედა დგა, ვითარმედ არა ღირს-ვე იყო, არა თუმცა საქართველოდ ოდენ, არამედ ყოველნი ქუეყანანი მეფობასა შენსა, ამისთჳსცა შენ მიერ მადლმოსილსა ნუგეშინისცემასა და შეწევნასა ვსასოებთ და საღმრთოსა ამას გალობასა შევსწირავთ ღმერთსა: **აღიღოჲთა.**

იკოსი 11

წყლულებათა მიერ უკურნებელთა, ვითარცა იობ განიცადე და მწთოლვართა ჳმითა შემოუწოდე რაჲ წარჩინებულთა, წინაშე ხატსა უფლისასა და ჯუარსა ცხოველსმყოფელსა აკურთხე და ევედრე ყოველთა, რადთა მარადის კეთილთა შინა იყვნენ მაჳსენებელად შენდა, ხოლო მადლობდი რაჲ ქრისტესა, შეჳვედრე სამეფოდ და სული შენი უბიწოდ, და შეერთე ანგელოზთა კრებულსა, მაშინ ღუაწლმრავალი ნემტი შენი დაკრძალეს გელათს ცრემლთა უხუად დინებითა, და ვითარცა კურთხეულსა დედასა ქართველთასა, მოგართვეს სამადლობელი ესე ქებისაჲ:

გიხაროდენ, თარგამოსიანთა ნათესავისა ერთ-ზრახვად, ერთ-სულად და ერთ-ნებად შემკრველო;
 გიხაროდენ, ბოროტმადიდებელთა შემრისხველო და ყოველთა მართლმორწმუნეთა ნუგე-შინისმცემელო;
 გიხაროდენ, ქუეყანისა შენისა აღმაყუავებელო და ერისა შენისა განმაფხიზლებელო;
 გიხაროდენ, საღმრთოდთა ღუაწლითა შენითა უჯორცოთა წესთა განმაკვრვებელო;
 გიხაროდენ, ქრისტეანეთა მეფეთა შარავანდედისა განმაბრწყინვებელო;
 გიხაროდენ, წარმავალისა დედოფლობისა წილ,

წარუალისა ნათლისა მომღებლო;
გიხაროდენ, წმიდათა თანა სავანე ქმნილო და
გზრგზნითა ძლევისადათა შემკობილო;
გიხაროდენ, დიდებულსა მწყობრსა სჯულისა და
ქუეყანისათჳს დამშურალთა მეფეთასა შეერთებულო;
გიხაროდენ, ცათა შინა და ქუეყანასა ზედა
განდიდებულო;
გიხაროდენ, მვედრებელთა მიმართ წყალობით
მიდრეკილო და ცხონებისათჳს ჩუენისა მზრუნველო;
გიხაროდენ, ღმრთისმოყუარეთა გულთა შინა
მადლისმიერისა სიხარულისა მიმფენელო;
გიხაროდენ, ახოვნებითა სულისადათა სულმოკლეთა
და დაჯსნილთათჳს მაგალითისა მიმცემელო;
გიხაროდენ, წმიდაო, კეთილმსახურო მეფეო თამარ!

კონდაკი 12

ვითარცა იჯსენ ქუეყანად შენი და ყოველი
მართლმადიდებელი ერი გარემოცულთა
განსაცდელთაგან და აღავსენ სიხარულითა
საღმრთოთა, ეგრეთვე აწ დაამჯუნე მაჭირვებელნი
ჩუენნი, რომელნიცა მტრობენ ღუაწლ-დიდებულსა
ერსა შენსა, ვიდრე ჟამადმდე დამდაბლებულ-
დაწუნებულსა, და ოხითა შენითა მიჯსენ ვნებათაგან
სულიერთა და სენთაგან ჳორციელთა, რადათა შენებრ

ღირსებითა და სიმართლითა ვემსახუროთ მამულსა და ვადიდებდეთ ღმერთსა: *აღილოუია.*

იკოსი 12

უწყით რაჲ ოხათა შენთა და მოწყალებათა სიმრავლჳ, ყოვლითურთ თავსა ჩუენსა შევედრებთ საღმრთოსა საფარველსა შენსა, და გევედრებით: გარდამოიხილე ზეცით სამკვდრებელსა ქართველთასა და მკვდრსა მას ზედა ერსა ჩუენსა მართლმადიდებელსა, რამეთუ ურიცხუნი მტერნი, მოყუარენი შფოთისანი ჩუენ ზედა აღჰსძრუენ ბრძოლასა დაუმშვიდებელსა, და ვერცალა ძალ-გვიძს წინა-აღდგომად მათთა, არამედ გჳკსენ შენ საფრჳეთა მათთაგან მეოხე-ბითა ღმრთისმშობელისაჲთა, რაჲთა არა დასათრგუნველ ვიქმნეთ მარბიელთა უცხოთა ტომთა და ნათესავთაგან, და შენმიერთა ძლიერებითა სულისაჲთა შეჭურვილთა აღვალოთ პირნი გალობად შენდა:

გიხაროდენ, ასულო ბაგრატოვანთა სახლისაო, რომელსა გერწმუნა საყდარი დავითისი და ბექედი სოლომონისი;

გიხაროდენ, ბუნებითა ტკბილო და მრავალმოწყალო, რომელმან უწინარეს ყოველთა აღხოცე სიკუდილითა დაშჯაჲ და ასოთა მოკუეთაჲ;

გიხაროდენ, კეთილმსახურებისა წინამბრძოლო,

რომელმან ასწავე მრავალთა მამათა და დედათა წესი მეუღლეობისაჲ და საზომი სიკეთისაჲ;

გიხაროდენ, სამეფოჲსა შენისა ანგელოზო, მფარველო, რომელმან შემუსრე ყოველნი მტერნი და მბრძოლნი, მომავალნი აღმოფხურად ენისა და ერისა ჩუენისა საყოფელთაგან მისთა;

გიხაროდენ, ძლევითა და განმარჯუებითა აღსავსეო, რომელმან სირცხვლეულ-ყვენ ყოველნი მტერნი ღმრთისანი;

გიხაროდენ, უცხოჲსა სიმდაბლისა მუშაკო, რამეთუ ანგელოზთა გიხილეს რაჲ მძლედ ჭემმარიტად, განკვრეებულნი იტყოდეს: დაეცა, დაეცა მტერი დედაკაცისაგან და გვრგვნოსან გამოჩნდა მოლუაწჳ ქრისტჳსი;

გიხაროდენ, სჯულისა შეუგინებლობისათჳს დამაშურალო, რომელსა პატიოსანისა მის გვრგვნისა წილ დაგედგა შვდ-გზის უპატიოსნესი გვრგვნი ზეცისაჲ;

გიხაროდენ, სძალო ქრისტჳსო უძლეველო, რამეთუ შუებასა სამოთხისასა შეერთებული, ანგელოზთა თანა იხარებ და ჰსუფევ ქრისტჳს თანა უკუნისამდე;

გიხაროდენ, მეფეთა ბრწყინვალისა დასისა შუენებაო, რამეთუ შემდგომად სიკუდილისაგა, უმცხინვარეს მზისთუალისა ჰნათობ ქუეყანასა ჩუენსა;

გიხაროდენ, ღმრთივსულიერო მოლუწეო, რამეთუ

სამარხოდ შენი საწადელი უჩინო-ყო უფალმან,
ვითარცა წინასწარმეტყელისა და ღმრთისმხილველისა
მოსწსი;

გიხაროდენ, სიქადულო ერისა შენისაო, რომელმან
ყოველსა ქუეყანასა განსთქვი ჳმაჲ ქართველთა
მძლეობისაჲ;

გიხაროდენ, ქართლოსიანთა მიერ მარადჟამს
ჳსენებულო, რამეთუ არა თუმცა ერი შენი, არამედ
ქუანიცა ღალადებენ დიდებასა შენსა;

გიხაროდენ, წმიდაო, კეთილმსახურო მეფეო თამარ!

კონდაკი 13

ჟ, სკიპტრისმპყრობელთა შორის უსაჩინოესო და
დედათა შორის უსათნოესო, მეფეო თამარ,
მიითუალენ აწ გალობანი ესე ჩუენნი, და
კეთილმსახურებრითა კადნიერებითა ევედრე
ქრისტესა, ღმერთსა ჩუენსა, ყოველთა ჳირთა და
განსაცდელთაგან განაგვარინოს ჩუენ და
განგვსწავლოს, რადთა არა განვეშორნეთ სიმართლისა
გზისაგან და მცნებათა მისთა არა გარდავხდეთ,
არამედ მამულისა ჩუენისა კაცთა წესისაებრ,
მოვიძაგოთ ყოველივე სიცრუეჳ და ანგარებაჲ და
ყოველნი ერთბამად უფალსა უგალობდეთ: *აღილოჟია.*

ეს კონდაკი 3-გზის, შემდგომ

სავედრებელი ლოცვა

ჟ, ღმრთივსათნოდთა მეფობითა და საქმითა მოლუაწებისადთა განბრწყინვებულო მოქალაქეო ზეცისა იერუსალჴმისაო, წმიდაო თამარ! ზესთამბრძოლო ქართველთაო და სიქადულო დედათაო, მოწყალეო, ურისხველო, გლახაკთა ჴელის-აღმპყრობელო და დავრდომილთა მსწრაფლ-შემწეო, ოხითა შენითა განმამხიარულებელო მჭმუნვარეთაო და სიმტკიცეო და ძალო სარწმუნოებითა შენდამი მოლტოლჴლთაო!

ჟ, წმიდათა შორის დიდებულო და დედათა შორის კეთილმსახურებითა განბრწყინვებულო, ყოვლადსაკრველო მეფეო თამარ! დედობრივისა შენისა გულმოწყალებითა შეგვაწყნარენ შენ მიერ შეყუარებულსა ტკბილსა იესუს, ღმერთსა ჩუენსა, რადთა უსაზღვროდთა მოწყალებითა თჴსითა მოხედოს დედისა თჴსისა წილხვდომილსა ერსა ჩუენსა, მტჴრთველსა საუფლოდსა ჯუარისადსა ქუეყანასა ზედა და დაიცვას მტერისა საფრჴისაგან და ძმათა მტერობისაგან, ხოლო სარწმუნოებად ჩუენი მისსა მიმართ კუალად განაახლოს და აღგვდგინოს ცხებული ძირისაგან დავითისა, რომელი ძალითა ჯუარისადთა მოჴკრძალავს ზოგად ყოველთა საზღუართა საქართვე-ლოდსასა და აღამაღლებს და

აღადგენს სიმაღლესა და ძლიერებასა ჩუენსა ქუეყანით დავიწყები-სადო, რადთა ვიყოთ ერთ სამწყსო და უფალი იყოს მწყემს ჩუენდა. განაძლიერე მსახურებასა შინა უწმიდესი და უნეტარესი, სრულიად საქართველოდს კათალიკოს-პატრიარქი, მცხეთა-თბილისის მთავარეპისკოპოსი და ბიჭვინთისა და ცხუმ-აფხაზეთის მიტროპოლიტი, დიდი მეუფე, მამად ჩუენი ილია, ყოვლადსამღდელონი მიტროპოლიტნი, მთავარეპისკოპოსნი და ეპისკოპოსნი, პატიოსანნი მღდელნი, ქრისტეს მიერ დიაკონნი და ყოველნი სამონაზვნო წესნი, ზიარნი მართლმადიდებელისა ეკლესიისანი და ყოველნი მართლმორწმუნენი ქრისტეანენი.

ჟ, ჭეშმარიტად ბრძენო მეფეო და ახოვანო მოღუაწეო, გზრგზნოსანო თამარ, დიდებულო! კუალად აღიპყრენ ღუაწლით შემოსილნი კელნი შენნი ზეცათა მეუფისა მიმართ, რომლისა წინაშე ღმრთივ-ბრწყინვალითა გზრგზნითა დიდებულ-ხარ, სანატრელო, და გვითხოვე, რადთა მოჰმადლოს ეკლესიათა დიდებად, სამღდელოთა პატიოსნებად, მთავართა კეთილად მწყსად ერისად, მკედართა მამაცობად, ერისაგანთა უცოდველობად და დედათა კრძალულებად, ხოლო ჩუენ მოგუანიჭოს კეთილ-მოქალაქობით ცხორებად, ქუელის საქმითა განშუენებად, წმიდითა ლოცვითა განათლებად, აღსარებითა განწმედად, ზიარებითა

განბრწყინვებად, პატიოსნად მიცუალებად,
სასუფეველსა დამკვდრებად, ანგელოზთა თანა
გალობად, წმიდათა თანა სუფევად, და შენ თანა
დიდებად და მადლობად, რამეთუ მისა ჰმუნის
ყოველი დიდებად, პატივი და თაყუანისცემად, თანა
მამით და სულთ წმიდითურთ, აწ და მარადის და
უკუნითი უკუნისამდე, ამინ.

ღირს არს ჭეშმარიტად, რადთა გადიდებდეთ შენ,
ღმრთისმშობელო, რომელი მარადის სანატრელ იქმენ,
ყოვლად უბიწოდ და დედად ღმრთისა ჩუენისა,
უპატიოსნესსა ქერუბიმთასა და აღმატებით
უზესთაესსა სერაფიმთასა, განუხრწნელად მშობელსა
სიტყვსა ღმრთისასა, მხოლოსა ღმრთისმშობელსა
გალობით გადიდებდეთ.

დიდებად მამასა და ძესა და წმიდასა სულსა, აწ და
მარადის და უკუნითი უკუნისამდე, ამინ.

